

## ¡BOMBA!

El Mayo ya se ha entregado  
¿cómo mordió ese anzuelo?  
Porque resulta que el vuelo  
fue todo menos planeado



# K'uintsil

Martes 30 de julio de 2024

CAMPECHE · YUCATÁN · QUINTANA ROO · AÑO 10 · NÚMERO 2287 · [www.lajornadamaya.mx](http://www.lajornadamaya.mx)

## K'ujsa'ab tu noj lu'umil Méxicoe' u yúuchben wooj wiinkilal San Judas Tadeo

U yúuchben wooj wiinkilal San Judase', jch'a'ab Santa Sede ti'al u K'ujsa'al tak tu noj lu'umil México. U tuukulile' ka'aj u xiimbalt jayp'éel dioseesis yaan tu noj lu'umil México, beey úuchik u ts'a'abal k'ajóoltbil ti' katoolikáa k'a'aytajil ts'iib ku k'aaba'tik Desde la fe. Beyxan a'alabe' úuchben ba'al jatsa'an beey de primer gradóo, u baakel junts'it u k'ab.

Tsola'abe' ku ch'a'abal beey jump'éel úuchben wooj wiinkilal de primer gradoe' u wiinkilal juntúul santóo wa je'el ba'axak u jaatsil u wiinkilal, u ta'anil wa u baakel. Ichil u k'iinil 28 ti' julio tak 28 ti' agostoe', u wooj wiinkilala San Judas Tadeo yaan u p'áatal tu noj lu'umil México "ti'al u kili'ichkúunsa'al wa u ki'iki' óolta'al tumen máaxo'ob oksaj óoltik".

Tsikbalta'abe' ichil 29 tak 31 ti' julioe' ti' kun biinsbil Arquidiócesis Primada de México, tu noj k'iwikil Catedral Metropolitana yaan tu noj kaajil Ciudad de México; ts'o'oke' ti'al u k'iinil 1 yéetel 2 ti' agostoe' yaan u biinsbil San Hipólito, Ciudad de México; 3 yéetel 4 ti' agostoe' tu kúuchil Parroquia de San Judas Tadeo, Cuernavaca.

Ti'al u k'iinil 5 ti' agostoe', yaan u k'ujsa'al tu najil k'uj Parroquia Purísima Concepción, Tlacopac; 6 ti' agostoe' Diócesis de Azcapotzalco, Santuario de San Judas Tadeo, ts'o'oke' ti'al 7 yéetel 8 ti' agostoe' tu kúuchil Arquidiócesis de Tlalnepanitla, Parroquia de San Judas Tadeo, Interlomas, Huixquilucan. Tuláakal xiimbal kéen u beete' yaan u ts'o'okol 28 ti' agosto.



Oochel cortesía